



Anthón Frederiksen
Partii Naleraq

Sulisilluni ajoqusernerit pillugit § 37-mut tunngasutut apeqqutinut nr. 250, 2016-imeersumut akissut.

26-10-2016
Sags nr. 2016 - 15874

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Inatsisartut Suleriaasianni § 37 malillugu makkuninnga apeqquteqarputit:

1) *"Sulinermi ajoqusernerit nunatsinni qanoq nalunaarsorneqarpat?"*

Akissut:

Suliassaqarfik Danmarkimi beskæftigelsesministereqarfiup (suliffeqartitsinermut ministereqarfiup) ataaniippoq.

Kalaallit Nunaanni sulisilluni ajoqusernerit pillugit inatsimmi § 35, imm. 1 aamma 3 malillugit sulisilluni ajoqusernerit Sulisilluni Ajoqusernerit pillugit Sullissivimmut nalunaarutaasarput.

Taamaalillutik sulisilluni ajoqusernerit nalunaarutigisarnerat Sulisilluni Ajoqusernerit pillugit Sullissivimmit nalunaarsorneqartarput.

Kalaallit Nunaanni sulisilluni ajoqusernerit pillugit inatsimmi § 36, imm. 1 malillugu sulisitsisut ajoqusernerit Sulisilluni Ajoqusernerit pillugit Sullissivimmut nalunaarutiginnissaannut pisussaaffeqarput.

Saniatigut sulisilluni ajutoornerit Sullivinnik Nakkutilliisoqarfimmut nalunaarutiginnissaannut sulisitsisut pisussaaffeqarput. Sulisilluni ajoqusernerit nalunaarutiginnissaat pillugit Kalaallit Nunaannut nalunaarusiami nalunaaruteqartarnissamut pisussaaffik inatsisilersugaavoq.

2) *"Sulinermi ajoqusernerit Ukiuni kingullerni qassini nalunaarsorneqarsimanerat takuneqarsinnaava?"*

Akissut:

Sulisilluni Ajoqusernerit pillugit Sullissivik Nuummiittoq ukiut allortarlugit Kalaallit Nunaanni sulisilluni ajoqusernertut naatsorsueqqissaarnermi nalunaarsuutaasoq saqqummiuttarpaa. Saqqummiussa qingulleq: *"2014-imi Kalaallit Nunaanni sulisilluni ajoqusernerit, Sulisilluni ajoqusernertut Aqutsisoqarfik"*, 2015-imi oktobarimik ullunerneqarsimavoq.

"2014-imi Kalaallit Nunaanni sulisilluni ajoqusernerit, Sulisilluni ajoqusernertut Aqutsisoqarfik"-mi 2008-mit 2014-imut sulisilluni ajoqusernerit nalunaarutiginerannut naatsorsuineq nassaassaavoq.

Taamaalilluni 2014 tikillugu aamma ilanngullugu sulisilluni ajoqusernertut nalunaarsukkanik pissarsiarineqarsinnaasumik naatsorsueqqissaarnermi nalunaarsuummik peqarpoq. 2015-imi 2016-imilu sulisilluni ajoqusernerit nalunaarsugaasut amerlassusaannik inaarutaasumik nalunaarsuineq Sulisilluni Ajoqusernerit pillugit Sullissivimmit 2016-imi naatsorsueqqissaarnermi nalunaarsuutunik saqqummersitsisoqarpat pissarsiarineqarsinnaalernissaa naatsorsuutigineqarsinnaavoq.

3) *"Sulinermi ajoqusernerit nalunaarsorneqarsimasut ukiunut agguarlugit qassiuppat, taakunanga qassit akuerineqarsimapput?"*

Akissut:

Sulisilluni ajoqusernertut aqutsisoqarfiup naatsorsueqqissaarinermi nalunaarusiaani, *"2014-imi Kalaallit Nunaanni sulisilluni ajoqusernerit, Sulisilluni ajoqusernertut Aqutsisoqarfik"*-mi qupperneq 6-imi, takussutissiaq 3.1-imiippoq 2008-2014-imi sulisilluni ajoqusernertut nalunaarutaasut amerlassusaannut nalunaarut manna:

2008: nalunaarutigisatut sulisilluni ajoqusernerit 344
2009: nalunaarutigisatut sulisilluni ajoqusernerit 415
2010: nalunaarutigisatut sulisilluni ajoqusernerit 582
2011: nalunaarutigisatut sulisilluni ajoqusernerit 680
2012: nalunaarutigisatut sulisilluni ajoqusernerit 743
2013: nalunaarutigisatut sulisilluni ajoqusernerit 700
2014: nalunaarutigisatut sulisilluni ajoqusernerit 693

Kisitsisit taakku tunngavigalugit ukiuni 2008-2014-imi Sulisilluni Ajoqusernerit pillugit Sullissivimmut sulisilluni ajoqusernerit nalunaarutaasut agguaqatigiissillugit amerlassusaat tassaapput ukiukkaanut nalunaarutit 594-it missaat.

Sulisilluni ajoqusernertut aqutsisoqarfiup naatsorsueqqissaarinermit nalunaarusiaani kingullermi, "2014-imi Kalaallit Nunaanni sulisilluni ajoqusernerit, Sulisilluni ajoqusernertut Aqutsisoqarfik"-mi qupperneq 27-mi, takussutissiaq 4.2-mi aamma qupperneq 35-mi, takussutissiaq 4.10-mi ukiuni 2010-2014-imi akuersissutaasutut sulisilluni ajutoornertut inuussutissarsiutitigullu nappaatit amerlassusaannut nalunaarsuut manna nassaassaavoq:

2010 akuerisatut sulisilluni ajoqusernerit 298.

2011 akuerisatut sulisilluni ajoqusernerit 454.

2012 akuerisatut sulisilluni ajoqusernerit 398.

2013 akuerisatut sulisilluni ajoqusernerit 519.

2014 akuerisatut sulisilluni ajoqusernerit 363.

Suliamit suliamut nalunaaruteqarnermit inaarutaasumik aalajangiussinissamut piffissap qanoq sivilutigisarnera assigiinngiaartuusarmat qulaani sulisilluni ajoqusernerit nalunaarutaasut amerlassusaannik aamma akuerisatut sulisilluni ajoqusernerit amerlassusaannut nalunaarsuutaasut marluk toqqaannartumik assersuunneqarsinnaanngillat.

3a) "Aamma qassit itigartinneqarsimappat?"

Akissut:

Qanoq amerlatigisut itigartinneqarsimaneri pillugit Naalakkersuisoqarfik § 37-mut apeqqutip akineqarnissaannut killiliunneqarsimasoq sioqqullugu beskæftigelsesministereqarfimmit akissutisisimangilaq. Naatsorsueqqissaarnermi nalunaarsuinermit kisitsisinik erseqqarissuliutinik saqqumisoqanngilaq.

Naatsorsueqqissaarnermi nalunaarsuummi, qupperneq 27-mi, takussutissiaq 4.2-mi 2010-2014-imi sulianut naammassisanut akuersissuteqarnermut procentiusoq nalunaarsorneqarpoq, sulisilluni ajoqusernerit pillugit suliat naammassiat qanoq amerlatigisut akuerisaallutik inaarneqarnerat tassani pineqarluni.

Takussutissiaq naapertorlugi akuersissuteqarnermut procentit tassaapput:

2010: 76,1 %

2011: 74,9 %

2012: 60,5 %

2013: 78,5 %

2014: 71,4 %

3 b) *"Itigartitsinernut suut pissutaappat?"*

Akissut:

Sulisilluni Ajoqusernerit pillugit Sullissivimmit naatsorsueqqissaarnermi nalunaarsuummi itigartitsissutinik ataasiakkaanik suut tunngavissiisimanerat takuneqarsinnaanngilaq.

Danmarkimi pisortaasunit apeqqummut § 37-mut apeqqutip akineqarnissaannut killiliunneqarsimasoq sioqqullugu Naalakkersuisoqarfik sulii akissutisisimanngilaq.

3 c) *"Nunatsinni innuttaasut ilaat sulinermi ajoqusersimanagerup kingunerisaanik atungarliuuteqalersimasut, imaluunniit timikkut ajoqusersimaneq pissutigalugu pisinnaasatigut naalliuuteqalersimasut, kisianni sulinermi ajoqusernerup nalunaarutigineqarsimanerata piffissarititaasup qaangiutereernerata kingunerisaanik itigartitsineq pissutigalugu akuerineqarsimanngitsut suliamik ingerlatitseqqissinnaanerat qanoq periarfissaqarpa?"*

Akissut:

Nalunaaruteqarnek piffissaq eqqorlugu tunniussimanngippat inuk eqqorneqartoq sulisilluni ajoquserfiusumit ukiup ataatsip iluani Kalaallit Nunaanni sulisilluni ajoqusernek pillugu inatsit malillugu taarsigassarsitsinissaq pillugu piumasqaateqarsinnaavoq, takuuk Kalaallit Nunaanni sulisilluni ajoqusernek pillugu inatsimmi § 36, imm. 1. Ajoqusernerup inatsimmut ilaannginnera pillugu aalajangiussineq ajoquserumit imaluunniit qimataasunit qinnuteqarnikkut aalajangiussinermi ukiunik tallimanik piffissaliussap iluani suliareqqinneqarsinnaavoq. Tamanna aamma kingusippallaartumik nalunaaruteqarnek pissutigalugu sulianut itigartitsissutaasunut atuuppoq, takuuk Kalaallit Nunaanni sulisilluni ajoqusernek pillugu inatsimmi § 46, imm. 1.

3 d) *"Sulisilluni ajoqusersimaneq tunngavigalugu suliassat qassit eqqartuussiveqarfiit aqutitigalugit aaliangiiffigineqarsimappat?"*

Akissut:

Suliassaatininnit marluk eqqartuussiveqarfinnut saqqummiunneqarsimasut Sulisilluni Ajoqusernerit pillugit Sullissivik Nuummiittup nalunaarutigisimavaa.

3 e) ”Taakunani suliat qassit eqqartuussivinni (nunatsinni danmarkimilu) akuerineqarsimappat imaluunniit itingartinneqarsimappat?”

Akissut:

Suliassaait taakku marluk eqqartuussivinni suliassanngortitat Kalaallit Nunaanni eqqartuussivikkoortinneqarsimasut Sulisilluni Ajoqusernerit pillugit Sullissivik Nuummiittup ilisimatitsissutigisimavaa. Aappaa tunuartiinnarneqarpoq (2011-mi), aappaanilu Sulisilluni Ajoqusernerit pillugit Sullissivik taperserneqarpoq (2012-imi).

Inussiarnersumik inuulluaqqusilluta

Vittus Qujaukitsoq